

壬癸志稿四

太倉錢寶琛伯瑜輯

同里

葉裕仁涵溪  
季錫疇崧耘  
趙兆熊耳山  
畢庭杰雄伯

參校

人物

太倉州

孝友

宋

龔明之字熙仲宗元曾孫祖母李少夢神與年七十有七及期果病革明之夜禱天請以己五齡益祖母灼香頂上香七炷爆有聲不為動明旦祖母愈又五年乃卒

壬癸志稿

孝友

一

以諸生貢至汴京迎父母母並弟相繼歿明之取其家自一錢直皆折賣護二喪歸先世墓在蘇州西山族人分斬其木明之不能制伏墓號慟震林谷紹興二十年鄉貢年已六十或勸匿其年為仕宦地不應書其實後以特奏名進士廷試授高州文學年逾八十法不應官吳士列奏行義敕監潭州南嶽廟淳熙五年乞致仕鄉人林振等舉明之議論操履眾所師法先是慶壽赦文有節孝著實許長吏保明表錄時參政錢良臣謂明之無吏考難之吳仁傑曰龔君至行動上帝豈不能動人主因具言其事果得旨超授宣教郎致仕仍賜緋衣銀

魚明之生平不摘人短不作貌言每自謂受用一誠字嘗取黃山谷語附益之號五休居士子昱見文學

元

秦玉字德卿八歲喪父卽立志好學旣長博通諸經尤邃於詩授徒講學二十餘年不求仕進天性孝友事母與兄無違禮母病累旬不解帶母卒哀痛泣血終其喪不沐浴不食鹽醋鄰失火屋比及玉伏棺而號火遽滅至正四年卒年五十三門人私謚孝友子約見列傳

明

殷奎字孝伯一字孝章其先華亭人爲人端厚靜謐受

王癸志稿

孝友

二

易於盛德瑞受春秋於楊維禎刻意古學造次循禮義浙東僉憲李术魯昱重其名舉教官以養母辭至正十六年州治復崑山有司請訓導儒學奎以養母便始應命比謁廟正曾子配享位凡建白繫名教所進子弟皆有師法洪武四年薦試吏部高等司選者擬授郡縣又以母老辭忤意調咸陽咸陽方罹兵學久廢奎至尙廉隅立條訓士相率知學在咸陽四年日夜念母道遠不克養以憂卒年四十六盧熊謂其處家爲孝子飭身爲名士典教爲良師陳潛夫謂其學行出處死生皆瑩然無瑕門人私謚文懿祀鄉賢弟璧字孝連箕字孝揚俱

明經性孝友奎卒於官璧謂箕曰母老弟宜在膝下我往迎兄柩於是越數千里護其兄柩歸後箕舉秀才試廣西僉事終太平推官以廉謹稱

瞿興嗣字華卿居沙溪母患癰夏月潰興嗣躬洗滌執扇驅蚊蚋晝繼以夜既罹氣疾百方不治興嗣割股肉作羹進母不食已五日啖之疾愈母又思芟時芟始花興嗣尋求凡種芟處輒解衣入得三芟人謂誠感鄰有王氏貧臥疾雞初鳴興嗣投錢門隙去一糶者衣鶉結興嗣受直佯忘數倍與之歲大歉相依者數十人興嗣擇旁舍與居會癘作病者相枕藉興嗣每晨躬攜粥藥

壬癸志稿

孝友

三

撫視多賴以全嘗朝出道拾遺囊俟主者還之一勢家奴失主物懼欲自盡興嗣代之償謝曰微命公所賜也陳貞字子固居雙鳳因張氏據吳嘗寓武進閉門不出母患心痛刲股雜羹以進母食而愈越日痛復作又刲以進母覺止之是夜夢神授以紫蘇飲服之而愈子濟洽有傳

瞿莊字敬孚興嗣子性至孝洪武初以薦仕至福建參政嘗念親思歸每語及之輒流涕被面其在翰林時宋濂亟稱其學行帝亦甚見敬禮

陸安天資純篤父德甫好客客坐事被繫德甫保釋之

客逸去有司坐抵德甫罪棄市安與兄訣抵京大書代父典刑字於布袍伏闕哀請許之臨刑從容就刃觀者泣下時年二十一洪武二十六年九月也妻鍾氏見列女傳

陳元吉名河以字行耆舊傳作河字元吉居雙鳳洪武間父罪當辟元吉同父之京伏闕請代得請賦詩就刑

俞敬字用禮幼孤爲張氏養子視敬頗虐張母孫待之有恩後孫邁危疾敬刺左脇割肝和藥進遂愈旣而復作又割左膊肉食之又愈永樂中事聞旌門擢南京尙寶司丞洪熙改元陞少卿正統六年陞卿卒

壬癸志稿

孝友

四

徐任字惟用父彥輝宣德中歿於京師任扶櫬還晝夜號泣繼以血母楊氏疾每夜稽顙北辰求代疾加割左股三次作糜進母遂瘳

瞿通甫兄弟同居相友愛凡五世知州李端奏旌其門季景字炳之少與李鈇毛澄馬慶談文陸爰陸伸爲諸生相善號七友形於圖畫都御史彭禮紀其事兄弟同居景受徒嫂苦供具煩頗爲嫌景引咎無忤色與其兄益親

周濟字以舟長者事親孝與弟渙友愛爲後生表率

劉峴字隱之父竝以縉雲知縣丁艱邁疾峴躬進湯藥

衣不解帶嘗糞以驗疾既沒哀毀每旦必拜祠下處兄弟友恭從子瑁受誣當刑援救得免

呂潤明字文奕幼孤母年老每日親奉飲食夜視臥具候熟睡始出冬則同宿母起溺必手抱不假手女婢母喪哀毀幾滅性

龔俊字仲俊天性孝友家貧日伺屠割肉至腴美處則市歸奉父母兄信暴甚慢罵終日夜俊無一言忤信歿撫其孤成立

陸欽本梓人子淳篤有孝行未冠遭父喪屏絕酒肉負土築墳指爪盡落母病刲股者三病尋愈母死家益窘

王癸志稿

孝友

五

爲人客販有幼妹寄育姻黨姻黨無賴賣之娼家欽歸知妹所撫膺慟訟於御史請贖已判允矣而欽暴死於獄眾莫不憐之

王瑄事母孝母早嫠瑄述母苦節得旌母喪既葬結廬墓側大風雨不移晝有故出夕還跪墓前曰瑄來矣

金祺字宗德履孫父早世奉母孝謹弟祐甫冠游太學祺隨京師任資斧祐得專業爲才士同居六十餘年庭無口語吳寬毛澄咸稱之卒年八十一

劉文玉字振之居直塘親沒廬墓終身中嘉靖十六年舉人官長垣知縣居官廉介復宗藩地忤豪右中蜚語

挂冠歸子必達孫元奎俱庠生亦以孝稱

張俸字朝恩幼貧不能具脩脯遇經生輒挾策問人憐之年十六爲童子師授書夜分不倦以名師稱得尺布斗粟必奉父母自以不能具甘旨每宴會遇廣筵嗚咽不下箸父母病革侍湯藥衣不解帶及歿俸已耄哭泣如嬰兒歲時祭祀輒泫泣撫二弟營衣食推予遺產徭役悉自任數日不見卽如失俸歿有司上其行提學御史耿定向旌其門兵備道蔡國熙題墓曰孝友先生

王在復年二十一從父讀書城外倭寇入犯父子走入城父體肥不能速行中道相失在復走二里許展轉尋

王癸志稿

孝友

六

父聞父被執急趨賊所叩頭求免賊不聽拔刃擬其父在復抱父以身蔽賊麾刃父子首並墮而手猶抱父不釋時嘉靖三十三年五月後請於朝得旌勒石

李鳳毛字起元本姓毛歲貢生仕至通判父歿時同兩弟已析產父有婢三月妊鳳毛請母持護旣生弟遇躬教誨爲諸生已并兩弟產四析爲營宅成婚遇每述感泣

沈志仁字景範州諸生父尙文充松潘總兵官播酋反諸軍會援督府坐尙文逗遛逮部論斬志仁跣足隨父獄號泣長安街遇冠蓋輒叩頭訴會秋盡論報志仁詣

廷尉乞上父冤狀廷尉辭乃退自拜疏時神宗在御上書多不報志仁疏上之二日忽有旨下刑部釋尚文志仁卒奉其父以歸

顧敏功字起凡以例仕廣西貴縣丞弟敏志卒於武隆柩滯荊州敏功年老欲往迎家人止之敏功泣曰吾兄弟五人總先人一塊肉耳忍令其骸棄千里外乎立戒塗抵荆而卒荊州守義之撥舟護兩柩歸敏志官武隆典史楊應龍亂改任游擊嘗平賊有功

顧敏學字宇凡以例仕甯州判官有弟敏義遠出敏學勸之歸曰爾無業耶吾有薄田可分爾無居耶吾爲築

王癸志稿

孝友

七

室敏義賴以成家

王昶按敏功傳舊有兄弟五人之語是敏學敏義必皆其兄弟然次序無

考姑附於此

金瓚西城人鄉校老師有兄貧鄰家失火瓚升屋籲天願焚吾廬無及兄須臾風轉火滅行田間見一婦人來岸仄瓚亟趨泥淖中韞盡汗舉鄉飲賓年九十餘而終陳于陶字味淡居沙溪諸生居親喪三年不離苦次從孫義年十二親疾割股捐軀死於孝侍御蘇鄴紀其事曹大憲字章甫與弟陽和同爲諸生陽和卒值同學生緣事當議罪思委陽和以自脫大憲奮然曰豈可以吾弟死令蒙不韙名出爭之事得白

姚廷法字省吾居雙鳳性孝友父晚生幼子欲不舉廷  
法力請再三令妻王乳之教養成立爲婚配焉

朱應聘字敬逸年二十母毛病心痛應聘侍疾五十餘  
日思剗肝以療乃密持刀剗右脇腸出絕於地兄驚急  
召醫納腸縫固藥敷之觀者如堵有青衣嫗言曰曷不  
取拭血布煎湯飲母乎如其言病愈又八年母卒廬居

三載崇禎七年旌

王昶按金鴻縣志永樂時張宗敬割  
股救母萬曆時童道泰割股愈父事

皆可  
傳

顧振字子厚崇禎十一年嗣父韓病急振年十五醫禱  
不效念古有割肝救親者顓天引刀自吭以下劃至腹

壬癸志稿

孝友

八

卒不得肝乃剗臂肉治糜進病愈創處俱癩痕墳起知  
州錢肅樂給額以旌

唐懋勳字昭甫居雙鳳父疾篤斷指煮羹進疾愈崇禎  
十五年州守旌其閭父終家無餘貲兼失婦訓蒙奉母  
養兩寡妹及弟婦翁周文起無子割脩脯所積置田十  
畝爲立後里黨稱之

王國瑜字子握父歿鄰火延及殯舍國瑜躍入伏柩慟  
哭欲與俱燼火忽滅平生繩幅自持燕居無惰容卒年  
五十七

呂縉字子方父源明官原武知縣有禦寇功歿於任崇

禎十五年縉聞訃時歲荒寇亂偕僕李長徒步行二千六百餘里沿途冒險數瀕於死卒扶櫬歸葬縉有日記詳其事

呂雲孚字石香乙酉閏六月從吳江吳易舉義兵敗遁歸及 大兵至里人多走匿雲孚奉母居守舍不去死之年三十二雲孚年幼時好讀奇書專務交僻疏解六書自謂能得古訓甚爲張溥稱許嘗試吳江嘉魚熊開元時爲令課以文雲孚穴奇抉奧如古碑剝蝕不能句讀開元大奇之拔以冠其軍遂補吳江諸生云

呂雲奇字石英少具至性讀書至忠孝節義事輒反覆

壬癸志稿

孝友

九

不置嘗第古今人物高下最上者爲師次者爲友少喪母父嬖妾虐使雲奇益起孝敬父感悟謂雲奇曰汝若此夫復何言順治二年 大兵至與父匿叢棘中父受縛雲奇躍出乞父命不聽皆殺之家人求得其屍猶見兩手抱父甚固妻龔見列女傳

王時重字威若 大兵至時重年十八隨父瑛避兵於鄉瑛就擒將加刃時重亟前求代竟與父俱死

江德璜字獻之諸生母年八十目盲德璜日舐之冀復明母病痢衣必手滌貧無以供恆鬻婦簪珥以養得佳味輒喜不問價也子士毅於順治二年遇兵隨德璜匿

後園德璜見執士毅出求免遂父子俱死

周縣存字嘏常父維翰見文學傳縣存諸生早喪母事父孝父亟稱之縣存輒走避意恐兄弟負漸也順治二年遇兵縣存謀他徙父不從遂及難

顧泳字爾儔工書業醫母亡父年老泳先意承志妻金氏事其翁如泳人稱雙孝

王之璧字拱先諸生父晚年有妾生子謀寄養之璧諫止給之衣食後得成立

呂一鳴字梅庵諸生弟一鶚亦諸生夫婦俱夭遺孤振元未期歲一鳴撫如己子教養成立婚娶後返其田宅

壬癸志稿

孝友

十

國朝

錢兆登字伯昇性孝家事非父命不行父年八十病篤兆登泣禱於周神廟刲臂肉以進病遂起州守白登明旌其閭有瞿大者傭於兆登家亦刲臂起母病人謂兆登之感

周之楷字端成順治八年副貢兄早世遺孤十二齡撫如己子幼弟世梓教之力學成名士

凌兆蟾字升白居直塘年幼異孝士大夫贈詩成帙墨跡藏其從兄士鉅家

郁聖揆字紹虞父目眚聖揆日以舌舐而愈後病篤嘗

惡驗瘥否父沒號慟欲絕水漿不入口者三日母病醫藥罔效聖揆籲天請代母立愈迨母卒廬墓三年巡撫湯斌奏旌其閭

王庭槐字兆三諸生父授徒於外庭槐曰有子不能養親何為人爲因懇侍養於家庭槐病父禱於周神廟恍惚神語之曰汝兒爲孝子病無患也疾果起

陳廷柱字能睿涑子嘗隨父至松江盜持刃向父廷柱冒刃救脫自傷肩背臥病年餘母發背疽以口吮之而安歲饑施棺設粥完族之無力婚娶者年七十四無疾卒子炤字輝字有義行周給三黨葬九族浮棺有告乏

壬癸志稿

孝友

十一

者不惜典貸以應卒年五十

顧逢源字瀛初諸生敏功孫幼孤力學同妻奉母以孝聞精求理學從游最眾嘗讓財於弟又誨季弟爲諸生己又迎養其孀姑於家并撫嫁其女卒年八十五

曹治字宇平以貲候選州同九歲割肉以療母疾父鈞歿於廣西時年十四子身扶喪旋里兄路南遊幕雲南家於姚州母念不置治請於母往尋兄將行託母於友友阻之治曰明年當偕以來謝果得兄嫂及兄子以歸毛張鼎字梅丞天麒長子諸生性醞謹篤於孝友弟舒字雲展監生爲叔父天駿後所後母李早寡舒奉事維

謹年八十卒長子鉉字旣方勇於爲善有沙土一邱毛氏納糧爲義塚族人賣沙射利拋棄骸骨無算鉉僱寺僧檢拾遺骼復瘞之請官勒石永垂爲禁次子鉞有傳黃信中字孚一值兵燹破家力耕養親里人稱黃孝子父病溺閉醫不能治信中齋沐顚天夜恍惚聞神語曰吮之利信中吮之果效父母歿廬墓三年父疾革時以百金付信中曰汝弟受田多今以此益汝父歿仍以分弟嘗暮夜道拾遺金知其人曾負父金者請於父還之有負者將鬻女以償力卻之更周其乏其厚德多類此雍正八年建坊旌表

壬癸志稿

孝友

十二

郁元明字台符諸生少負才名性至孝父病刺血和藥默禱於天願減算以益親壽疾遂瘳里有以急難鬻女者元明知之捐貲代贖

王瞻字岷望康熙五十年舉人由中書厯官成都知府會父原博緣事戍肅州瞻棄官與弟調訥更迭隨侍凡七年集貲納贖得釋歸里瞻子述曾與兄述宏同赴省試兄病歿持喪歸竟不就試

高士鳳字羽皇性純孝四歲而孤嫡母已先卒所生母錢氏撫之四十餘年奉母教得成立士鳳嚙指出血陳情請旌屢被駁詰雍正元年求得太湖當塗二例援據

上之乃得請

呂洵字澗初少以痘失明父年老移牀就寢服勤至死弟嘗傷臂倍加體恤乾隆二年巡撫邵基具題 詔賜

八品頂帶

王應麒字漢超遇賓曾孫母葛病藥弗效焚香禱天割左臂肉煎湯進病頓愈越數年母病復發又割右臂肉以進人稱其誠孝

顧清振字選一人貲授通政司經歷隨父宦漢中不赴選父卒護喪歸嘗罄貲爲其叔鳴周完官欠千餘兩無吝色建宗祠鋟家譜悉力不倦卒年七十四

壬癸志稿

孝友

十三

陸碧字漢雯監生年十二母病危欲割肱和藥以進方舉刃倉卒聞履聲誤披其脣母見涕泣亟止之及母沒毀瘠如成人生平重然諾好施予鄉里推之卒年七十五

金鯉字乘上幼喪母哀慟如禮事父及繼母尤孝謹繼母病延醫進藥逾年不懈遭喪以毀致疾乃力疾經營窀穸比葺事而歿

黃機字聖猷少時以戶役事身代父勞居父喪祭葬盡禮不以諉昆弟母得哽噎疾甚篤刺臂血作禱詞願減已算母果壽至七十六而終棺殯堂中比鄰不戒於火

風急將熱機繞棺長號風卽返見者驚歎

張文華字晉侯有至性歲饑與妻子食糠粃而以甘脆奉親及親所愛女弟父疾割臂肉和藥以進母臥病中衣廁牖之屬手自潔除居喪哀毀幾滅性長齋縞素終其身卒年七十子敘有傳

李崧字豐千事親以孝聞友愛昆弟遇親族故舊恩意周摯鄉黨推之

沈潢字天來歲貢生遇甚艱苦篤於孝友父聖喈以事被收訴於知州得釋弟洪普充州吏因漕米紅腐將獲罪毀家丐貸事得濟工書法徑尺大字人爭寶之卒年

王癸志稿

孝友

十四

七十七

胡鳳喈字于岡娠十六月而生性孝友母墮河入水抱母而出讓產兩弟獨嫁四妹葬母黨四世九棺入貲授蘭山令整風俗建書院頗著勞績

盛大椿字九如諸生父子緘疾且殆大椿刲臂肉和藥以進母病如之俱獲瘳知州王延熙旌其廬同時顧椿字大年父文威病劇椿割臂肉療疾胡起宗字奕芬父繼虞病割臂肉以進病俱獲痊王庭蘭字芳流母吳氏患血證甚篤庭蘭割臂肉以進病亦愈

趙松字萬齡監生三歲失恃鞠於繼母曲盡子道父病

篤刲股煎湯進得愈母停柩未葬遇海潮衝決松以身抱柩洪濤急溜浮蕩一日夜卒以無恙其族祖宦光三世葬吳縣寒山并有祠歲久爲人占據控於當道復之卒年七十八

張德肇字儀仲歲貢生性孝娶室日帷帟皆母手自紉緝德肇珍之雖至補綴弗敢易也父所束布條亦終身藏之篤友于課其弟成立爲置產有從弟失業亦教養備至從祖歿後四柩在淺土爲歸葬先塋年八十餘卒子桂曾諸生

戴興宗字尙賓生三月父亡母劉守節嘗臥病久興宗

壬癸志稿

孝友

十五

率妻袁侍奉湯藥惟謹十餘年如一日每行義事必稱母命歲稔捐米施粥知州王鎬重其行給額旌之年七十一卒

錢金堂字會東監生屢應舉不遇父緣事戍邊與弟玉堂往返萬餘里賤更省侍卒遇肆眚奉父歸

陳某圻人也居州之北關父疾篤惶急刲肱以進卒不救而死或見其臂肉剝處叩以故堅不肯言噉然而哭同業者道及其父平生事輒嗚咽不自勝得傭工錢必市甘脆以奉母焉

壬癸志稿四終